

**JAVNI KONKURS**  
**za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša**

**I. PREDMET KONKURSA**

Predmet Javnog konkursa je prikupljanje prijava za programe/projekte za raspodjelu sredstava, a koji se odnose na sljedeće:

**LOT I:** *Projekti i programi iz oblasti zaštite voda od značaja za FBiH, po Odluci Vlade FBiH, (1.000.000,00 KM):*

Pod ovom stavkom Fond planira pratiti projekte zaštite voda od značaja za FBiH za koje je Vlada Federacije BiH dala saglasnost Odlukom V broj: 1715/2012 od 23.10.2012. godine. Tip i vrste projekata koji se nalaze u Odluci Vlade, a predmet su ovog Javnog poziva su:

**I. 1.** Kreditni projekat EIB-a za sufinansiranje izgradnje i rekonstrukcije općinskih sistema za snabdijevanje vodom, odvodnje i tretmana otpadnih voda u općinama u Federaciji BiH. Identifikacija Općina i nedostajućih sredstava će se vršiti u suradnji sa PIU timom zaduženim za praćenje ovih projekata.

**LOT II:** *Projekti i studije u cilju ispunjavanja ciljeva Federalne strategije zaštite okoliša (1.000.000,00 KM):*

Ovom stavkom se planira korištenje sredstava Fonda za finansiranje projekata i studija od važnosti za FBiH, te koji se odnose i obuhvat im je šire područje FBiH, iz oblasti zaštite okoliša kojima se stvaraju preduvjeti za dalje aktivnosti, za apliciranje programa za finansiranje po osnovu grantova iz međunarodnih fondova, za povoljne kreditne linije, kao i podrška uspostavljanju tijela i/ili institucija čiji je programski sadržaj u skladu sa Strategijom zaštite okoliša FBiH, a posebno se odnose na:

**II. 1.** Projekte i studije, te obavljanje istraživanja i analiza kako bi se olakšao razvoj investicija u određenom podsektoru zaštite okoliša,

**II. 2.** Studije i projekti smanjenja emisije stakleničkih plinova, te ublažavanja klimatskih promjena i zaštite ozonskog omotača,

**II. 3.** Projekti i studije za pripremu infrastrukturnih investicija u oblasti zaštite okoliša (Studije izvodivosti...).

**II. 4.** Studije i projekti zaštite i očuvanja biološke i pejzažne raznovrsnosti.

**II. 5.** Projekti i studije iz područja povećanja energetske efikasnosti, te korištenja obnovljivih izvora energije.

**II. 6.** Projekti u cilju prevencije i djelovanja u slučaju ekoloških katastrofa i incidenata.

**LOT III:** *Projekti afirmacije i promocije Fonda kroz projekte i programe zaštite okoliša (300.000,00 KM):*

Projekti koji se odnose na promociju Fonda kroz jačanje javne svijesti, promociju projekata i programa zaštite okoliša, promociju obrazovanja i istraživanja u području zaštite okoliša s ciljem poboljšanja kvalitete okoliša i prirodnih vrijednosti.

## **II. KORISNICI SREDSTAVA KOJI IMAJU PRAVO NA PODNOŠENJE PRIJAVA**

U svrhu namjenskog korištenja sredstava Fonda za zaštitu okoliša FBiH (u skladu sa Zakonom o javnim nabavkama BiH) na Javni konkurs mogu aplicirati općine FBiH, gradske uprave, javne ustanove i privredni subjekti koji su registrovani na području Federacije BiH, kao i međunarodne institucije i organizacije, koje svojim djelovanjem obuhvataju područje Federacije BiH.

## **III. USLOVI KOJIMA PODNOSIOCI PRIJAVE MORAJU UDOVOLJAVATI**

Projekti moraju biti od federalnog značaja, odnosno koristiti i svojim sadržajem se odnositi na šire područje FBiH. Projekti koji se predlažu trebaju biti jasno povezani sa federalnim i/ili sektorskim strategijama.

U okviru ovog JP bit će testirano uključivanje aspekta klimatskih promjena, te će se identificirati povezanost predložene investicije sa aspektom klimatskih promjena.

Privredni subjekti i javne ustanove, kojima se dodjeljuju finansijska sredstva (korisnici), moraju ispunjavati sljedeće uslove:

1. Da imaju sjedište na teritoriji Federacije Bosne i Hercegovine;
2. Da ulažu vlastita sredstva u programe, projekte i sličnih aktivnosti;
3. Da dostave ovjerenu izjavu o visini sredstava s kojima će korisnik ili drugi zainteresovani subjekt učestvovati u sufinansiranju realizacije dijela projekta koji predlažu za zajedničko finansiranje aplikanta i Fonda za zaštitu okoliša FBiH;
4. Da jasno preciziraju vrstu projekta, vrstu radova/roba/usluga koje će se finansirati predloženim projektom;
5. Da prihvate uslove zajedničkog sudjelovanja u sufinansiranju programa, projekata, i sličnih aktivnosti za koje se odobravaju sredstva Fonda propisana općim aktima Fonda;
6. Prije zaključivanja ugovora korisnici sredstava su obavezni obezbijediti odgovarajuću garanciju za sredstva Fonda;
7. Da zakluče ugovor sa Fondom o zajedničkom ulaganju u program, projekat, ili drugu aktivnost za koje se odobravaju sredstva Fonda.

## IV. NEOPHODNA DOKUMENTACIJA ZA SUDJELOVANJE

Sredstva iz Javnog konkursa po navedenim programima, dodjeljuju se na temelju prijave projekta/programa korisnika i obavezne dokumentacije. Obrazac za prijavu projekta i obrazac proračuna projekta mora biti popunjen na računaru na obrascima koji su dostupni na službenoj web stranici Fonda za zaštitu okoliša Federacije Bosne i Hercegovine ([www.fzofbih.org.ba](http://www.fzofbih.org.ba)).

Obrazac za prijavu projekta, obrazac proračuna projekta i obavezna dokumentacija, trebaju biti dostavljeni prema redoslijedu sa prijavnog obrasca i poslana u A4 formatu koverta. Obavezna dokumentacija treba biti odvojena od dokumentacije za preporuku.

Aplikacija u cjelosti mora biti dostavljena u printanoj formi, i to u jednom originalu i jednoj kopiji, tvrdi uvez, sa numerisanim, ovjerenim i potpisanim stranicama od strane ovlaštene osobe. Na koverti, umjesto adrese, zalijepiti popunjeni obrazac aplikanta koji se nalazi na naprijed navedenoj web stranici.

### **Obavezna dokumentacija mora sadržavati:**

1. Popunjen obrazac/prijavu projekta na Javni konkurs;
2. Popunjen obrazac finansijskog pregleda projekta;
3. Ovjerenu izjavu o namjenskom trošenju sredstava (ovjerena kod javnog bilježnika/notara ili nadležnog općinskog organa);
4. Ovjerena izjava o visini sredstava s kojima će aplikant učestvovati u sufinansiranju realizacije dijela projekta koji predlažu za zajedničko finansiranje aplikanta i Fonda za zaštitu okoliša FBiH (ovjerena kod javnog bilježnika/notara ili nadležnog općinskog organa);
5. Dokaz o registraciji aplikanta kod nadležnog organa (izvod iz sudskog registra za pravna lica);
6. Uvjerenja o poreskoj registraciji (ID broj i PDV broj ukoliko su PDV obveznici);

**Dodatna obavezna dokumentacija (ovisno od vrste i prirode programa) mora sadržavati :**

### **LOT 1: *Projekti koji su od interesa za Federaciju BiH:***

- Dokaz da se radi o projektu zaštite voda od značaja za FBiH za koji je Vlada Federacije BiH dala saglasnost u vidu Odluke, a koji je već kandidovan (od strane federalnih institucija zaduženih za upravljanje vodama) za realizaciju po osnovu EIB kredita;
- U procesu apliciranja neophodno je da aplikant obezbijedi pismo podrške međunarodne institucije koja finansira projekat, odnosno PIU tima projekta .
- Detaljna finansijska konstrukcija cjelokupnog projekta sa prikazom definitivno obezbijeđenih sredstava;

- Projektni zadatak (u slučaju potraživanja sredstava za izradu projektne dokumentacije);
- Odobrenje za izvođenje radova odnosno izjava o urađenoj projektnoj dokumentaciji.

**LOT 2:** *Projekti i studije u cilju ispunjavanja ciljeva Federalne strategije zaštite okoliša:*

- Izjavu i obrazloženje da se radi o projektu od važnosti za FBiH, te koji se odnosi i obuhvat mu je šire područje FBiH;
- Izjavu i obrazloženje da će se projektom otvoriti mogućnost finansiranja od strane međunarodnih institucija, i/ili;  
Izjavu i obrazloženje da će se realizacijom projekta osigurati mogućnost preventivnog i sanacionog djelovanja za slučajeve ekoloških katastrofa i incidenata od interesa za šire područje unutar FBiH;
- Opravdanost projekta i analizu situacije (SWOT analiza);

**LOT 3:** *Projekti afirmacije i promocije Fonda za projekte i programe zaštite okoliša:*

- Referentna lista projekata u posljednje 2 godine, koji se odnose na aktivnosti koje su predmet aplikacije
- Ukoliko se radi o audio i vizuelnom materijalu, da se dostavi media plan, sa definisanim terminima emitiranja.

**Neobavezna dokumentacija:**

1. Podrška projektu od strane lokalne i/ili šire društvene zajednice (Vlade, kantona ili općine) i/ili institucije;
2. Materijali, publikacije, novinski članci, te ostala dokumentacija koja ilustrira rad aplikanta, kao i preporuke drugih pravnih subjekata.

## **V. OPĆE ODREDBE**

Obrasci za prijavu po ovom Javnom konkursu, mogu se preuzeti na web stranici Fonda za zaštitu okoliša FBiH [www.fzofbih.org.ba](http://www.fzofbih.org.ba) . Na koverti, umjesto adrese, zalijepiti popunjeni obrazac aplikanta koji se nalazi na naprijed navedenoj web stranici. Prijava za učestvovanje s obaveznom projektnom dokumentacijom, dostavlja se lično ili putem pošte na adresu:

**Fond za zaštitu okoliša Federacije Bosne i Hercegovine, ul. Hamdije Čemerlića 39A, 71 000 Sarajevo u zatvorenim kovertama sa naznakom:**

**„PRIJAVA NA JAVNI KONKURS – LOT br: \_\_\_\_ Program br: \_\_\_\_ - NE OTVARAJ“**

***Rok za podnošenje prijava je 30 dana od dana objavljivanja Javnog konkursa u „Službenim novinama Federacije BiH“.***

Rezultati Javnog konkursa o izboru korisnika sredstava bit će objavljeni na službenoj web stranici Fonda [www.fzofbih.org.ba](http://www.fzofbih.org.ba) i „Službenim novinama Federacije BiH“, u roku od 15 dana od dana donošenja Odluke Upravnog odbora o dodjeli sredstava korisnicima.

Prijave s nepotpunom dokumentacijom, podneseni nakon roka i utvrđene forme, neće se razmatrati.

**Važne napomene:**

1. Aplikant na jedan LOT može konkurisati samo jednim projektom.
2. U koverti može biti samo jedan projekat. Ukoliko jedna koverta sadrži više projekata, aplikacija se odbacuje.
3. Da bi aplikant ušao u konkurenciju za odabir na Javnom konkursu, mora ispuniti pravno-formalne uvjete iz ovog javnog konkursa.
4. Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog konkursa, moraju biti originali ili ovjerene kopije, ne starije od tri mjeseca.
5. Dokumenti koji se šalju na Javni konkurs, ne vraćaju se aplikantu.
6. Neadekvatno popunjene prijave i nekompletni zahtjevi se neće razmatrati.
7. Fond ne snosi nikakve troškove aplikanta, nastale sačinjavanjem i predajom aplikacije, i aplikant nema bilo kakva prava na naknadu bilo kakvih troškova po osnovu učešća na ovom javnom konkursu.

Sva eventualna pojašnjenja po pitanju ovog konkursa mogu se dobiti putem e-maila: [info@fzofbih.org.ba](mailto:info@fzofbih.org.ba) , te na web stranici Fonda [www.fzofbih.org.ba](http://www.fzofbih.org.ba)

**Direktor  
Safet Harbinja**